



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六四七

綠蕉館詩鈔四卷附繡鐙問字圖題詞一卷 陳景高 撰

一

江忠烈公遺集二卷（文錄一卷詩錄一卷）首一卷補遺二卷行狀一卷

附錄二卷 江忠源 撰

六五

芬響閣初藁十卷附陳瑤撰芬響閣附存藁一卷 王褰之 撰

一七七

璞山存藁十二卷 曹藍田 撰

二四九

靜遠堂集三卷首一卷 陳壽熊 撰

三五七

賜龍堂詩稿八卷 彭瑞毓 撰

四一五

攜雪堂全集四卷（文集一卷詩集一卷附對聯一卷罔極編一卷家訓一卷）

附時文一卷試帖二卷 吳可讀 撰

五三七

綠蕉館詩鈔

同治甲戌
春日開雕

筠珊先生小像



筠珊先生

其德則優內行孔修其才則適天
機自調今觀遺集美如瓊瑤今
觀遺像肅如圖球哲人注矣先澤長
留君子有子召杜之儔既厚其本必
豐其條永守家學播之風謠

同治十有二年歲在癸酉夏閏六月
滄清同年生賓前俞樾述

卷之三

國朝詩學之盛推浙西自竹垞太史而後代有專家如
蘧石宗伯穀原比部其尤著者也然而懷抱利器鬱鬱
不得志者往往一吐其無聊之意發爲詩歌又或遭際
艱難本其生平所閱歷不假雕斲流露於不自已豈詩
能窮人歟抑窮而後工歟吾讀同年陳君筠珊孝廉之
詩而爲之慨然孝廉少孤秉年伯母倪太淑人之教力
學成名家無儋石儲夷然自得道光戊戌

廷試後遠遊四方癸卯登賢書三上公車不售所歷山
川道路時以罷耗不遂意達之詩而望雲之思悉於行
閒寓焉不必規仿一家卓然使人不能到此殆南山屹
綠蕉館詩鈔

序

一

岵之微意以歌代泣非性情篤摯讀書有得而真切言
之如是耶孝廉體素羸弱中年後詩愈工境愈窮竟以
不幸賁志九京時倪太淑人尙在堂藐孤熒熒情景殊
不忍言泊洪楊之亂家室飄流并其心血所寄尺楮所
留幾付劫灰同治癸酉長嗣仙海以川沙同知循例引
覲入都持孝廉遺稿乞序於余仙海余視學之江所取
士憶咸豐乙卯奉

命督辦江楚釐鹽從余幕中僕指十有九年余謂其必
以文章承先志願以中原多事從役精臺功晉二千石
此豈余所望於仙海者哉雖然古人云文章止於潤身

政事可以及物川沙故濱海地毘連滬瀆中外交涉措
施裕如廚傳蕭然以奉母讀書爲樂而課士濬河勸桑
惟民事是勤大府咸器重之余又深歎其能善承孝廉
之志也孝廉季子及文孫輩均能努力攻書然則世澤
之留貽天之報之者歷久而彌厚窮固見諸詩豈因詩
而終於窮是所傳者亦豈特詩已哉余故拜手而爲之
序

賜進士出身

誥授光祿大夫 經筵講官禮部尙書兼管順天府府
尹年愚弟萬青藜頓首拜序

綠蕉館詩鈔

序

二

皇清敕授文林郎 誥贈通議大夫顯考筠珊府君行

狀

府君姓陳氏諱景高字筠珊號雲山先世居閩之同安遠祖洪進世居大梁仕宋以平蠻功封南康王於閩之泉州同山後人廬於同安文圃峰前朱晦庵勒碑以爲萬山第一子姓蕃衍世篤忠貞與莆田林氏並稱蓋數百年追我

朝定鼎之初七閩未靖七世祖松石公諱宗元以瀕海地險移居漳城康熙十四年始遷於浙之海鹽遂籍焉六世祖介亭公諱齡貢生五世祖健齋公諱強貢生皆

綠蕉館詩鈔

行狀

一

博學好古皮藏金石攷證著錄之富一時莫匹不應有司試高祖達君公諱名世增廣生乾隆庚子甲辰兩次南巡召試高祖妣氏錢曾祖淑石公諱熙乾隆壬子科副貢曾祖妣氏張祖螺洲公諱巖諸生祖妣氏倪叔祖秋帆公諱岳叔祖妣氏陸自曾祖妣張太淑人及祖妣倪太淑人叔祖妣陸太淑人皆於咸豐元年請

旌節孝載郡志府君生於嘉慶十七年六月十二日子時越二年叔祖秋帆公卒府君奉高祖妣命嗣甫五歲而祖螺洲公卒府君奉高祖妣命兼祧時高祖妣錢太淑人曾祖妣張太淑人均在堂零丁孤苦惟祖妣倪太

淑人獨持門戶事重闔以孝聞而撫府君以至於成人貧不能延師嘗執針黹爲課讀府君繪繡燈問字圖誌懿訓焉道光九年補博士弟子員十二年母王太淑人來歸十六年丙申四月方瀛生是歲科試府君補廩膳生考取丁酉拔貢十八年戊戌四月弟文潤生二十三年癸卯本省鄉試中式舉人十二月弟吟湘生甲辰己巳丁未三次計偕獲薦不售二十九年己酉有須江之遊中途示疾閏四月初五日回家初六日卒春秋三十有八時方瀛祇十四歲兩弟七八歲耳祖妣倪太淑人叔祖妣陸太淑人已六七旬有餘彌留之際執方瀛手

綠蕉館詩鈔

行狀

二

曰我血戰文場一生未遇今不得奉養二老一家大事汝其肩之善承我志哽咽而逝方瀛謹泣志之嗚呼府君失怙時比方瀛年更幼祖妣倪太淑人鞠教劬勞三十餘年如一日府君至性過人蓋不欲片刻之離倪太淑人視之亦常如孩提時自戊戌

廷試入都出遊四方居家日少方瀛兄弟輩得聞過庭之訓者幾不能記憶嘗從祖妣倪太淑人泣問舊事我母王太淑人稱述性情始悉一二府君甫冠時家無以自給刻苦策勵不欲以累人及通籍後從遊者眾所得脩脯每每以之濟貧乏慷慨無德色崖岸自峻有不當

意者不稍假借故鄉黨後進咸敬憚之遇有篤行自好之士未嘗不為方瀛輩津津稱道謂宜戒者在彼宜法

者在此益區別之嚴毫髮不渝少年馳聘詞壇著手成

文敏捷無出其右當時同邑黃韻珊明府變清家琴齋

廣文其素文名相埒睥睨一世獨於府君深推服焉中

年益肆力於經術訓詁為文皆原原本本無一句一字

無來歷於應試之作有謂其取選稍過者而府君以為

讀有用書見諸施行為貴原不徒取科名計教然為之

竟不惑於時尚孰謂天不永年未竟其用而賁志以歿

嗚呼向忍言哉子三方瀛娶徐氏文瀾幼塲吟湘娶沈

緣蕉館詩鈔

行狀

三

氏女二長適溧陽史偉堂公杰長子海甯鹽大使維善

次適同邑徐梅川公履安第四子庠生志凱孫五長明

遠庠生娶蔡氏致遠定遠培遠俱方瀛出製遠吟湘出

孫女二著有緣蕉館文二卷古今體詩四卷嘗手自評

訂而庚申之變家傳手澤均付劫灰方瀛僅於故紙堆

中檢集遺稿闕佚甚多復向各書篋搜羅零楮屬弟吟

湘補鈔續訂成帙府君懿德純行固不藉此以傳而一

生心血所在竝此而歸湮沒是益重方瀛之罪戾爰亟

付之手民小子非材少遭閔凶又逢多難微府君厚澤

曷克成立於是和淚濡毫謹述梗概所求

達孝仁人矜慈錫類博采幽潛賜之銘誄世世子孫感

且不朽

武英殿大學士直隸總督一等肅毅伯年愚弟李鴻章

頓首拜填諱

男方瀛謹述

緣蕉館詩鈔

行狀

四

綠蕉館詩鈔題詞

弱歲才華擅色絲碧紗誰護舊題詩白雲故國思親什
明月高樓寄婦詞王粲傷春緣作客杜陵多病況憂時
江湖我亦嗟蓬梗暮雨蕭蕭賦柳枝

年愚弟王大經拜讀

性情所至著手成春造化已奇花草精神倘然適意絕
愛繡磷超以象外與古爲新是有真宰悠悠天鈞誦之
思之庶幾斯人

集表聖詩品

愚表兄陸保拜讀

霖雨動兼旬懷人勞夢寐撇惘忽開絨咄咄驚怪事舊

綠蕉館詩鈔

題詞

一

門丁其衰節孝已三世厥後宜寢昌天何才名忌文章
下水船敏捷醇而肆詞賦婉枚皋鋒穎相如避瑤珉碎
隣編錦續緼虬費筆陣誠瑰奇至性尤純粹少孤母教
之繡燈勤問字雲山有繡燈問字圖爲言母劬勞聞者猶酸鼻往
歲下第歸與我曾連轡祿養冀娛親此願惜未遂我方
慰君心還家仍養志猶勝滯京華望雲增旅思矚駭風
飛沙堀堞塵括地同行得如君道路難亦易叔夏猶過
我高談豁炎熾豈知永訣絕驚定還拭淚白髮母在堂
三子猶童穉君於親朋間生死情不異已矣我負君筆
弱墓難誌

年愚弟錢炳森拜讀

富景園中落木初余時移居東園即南京富景園故址辱承枉駕過茅廬
論交差喜同金石存問常勞達雁魚正擬聲華馳翰苑
徒看名字薦賢書一經賴有兒能讀元季應知魏未如

愚弟曹籀拜讀

酉辰數譜誼吾鄉陳與錢同庚同游庠陳君尤殷拳南
宮同投卷凍雨飄青毡端門同覆試朝曦麗花磚曝腮
憫魚瘁翕羽欣鶯遷雙九擲如梭回頭卅餘年兩賢相
繼逝宿草莽荒烟兩賢皆有後楹書守陳編詩稿皆付
梓寸心慰重泉郊農偶吟稿附其名父傳校文有仲雪

綠蕉館詩鈔

題詞

二

思兄淚如鉛綠蕉吟館稿賴其令似賢弁言乞宗伯攜
辭筆如椽成竹壽棗梨夜臺何憾焉拙著何足道千金
敝帚憐童鳥傷早逝麻博營新阡洞霄姑乞祿霜鬢驚
華顛江南茶分校蔚藍漬研田廩騁同盛蹙奔波復蹙
蹙篋行蠶粉零副墨漸棄捐安得稍編緝故苑收遺鈿
鐵沙雙鯉來諄諄索詩篇從前仰止意臨穎思渺然

年愚弟朱泰脩拜讀

綠蕉館詩鈔卷一

海鹽 陳景高 鐫

擬古

擬行行重行行

別離復別離見君尚無期山川天涯隔日月暗中移恨不如流水猶得相追隨只將憶君情付與秋風吹風吹幾萬里吹去入君耳怕君不思歸使君歸心起

擬青青河畔草

燦燦園中花離離階下草花草亦何知修飾容顏好美人倚珠欄獨自思遠道遠道不可思思之紅顏老不恨

綠蕉館詩鈔卷一

君歸遲祇恨妾衰早

擬今日良宴會

置酒以爲歡人生隨所安或撫玉琴鼓或抱瑤瑟彈一彈再三鼓慷慨當長歎黃鶴冲天飛乘風舒羽翰我欲策高足雲霄萬里搏回頭視下界渺矣千里蠻爲人而株守莫言天地寬

擬西北有高樓

幽懷不可訴高樓一登臨美人當良夜素抱託瑤琴清風動翠袖素月照羅襟彈出悲憤曲曲終見妾心不傷知音移但苦無好音

擬涉江采芙蓉

伊人隔秋水一望長天杳江流清且深只有芙蓉裊參商不相見良會緣何少芳草知我心緣向長堤繞

擬明月皎夜光

秋聲催歲暮吟蛩衰草度時節不可留清風凝白露宿鳥下空山哀蟬咽茂樹彼物何所知吾亦行吾素昔我有良朋健翮凌雲步貴賤一朝殊膠漆如行路實行與虛名各自隨所遇

擬冉冉孤生竹

草木有本心孤竹生園圃君如竹葉輕葉輕隨風舞妾

綠蕉館詩鈔卷一

二

如竹根堅根堅蟠下土水闊多毒龍山深多猛虎憶君君不來愁思那堪數君行果不來誰識妾心苦

擬庭中有奇樹

十年種嘉樹樹久枯欲死未死尚有枝折以遺之子渺渺別天涯盈盈隔一水莫嫌所寄輕此卽同心矢

讀徐忠烈公年譜

武原一僻地精靈鬱忠義徐公起東海孝瓜奉先志

病冬日思瓜公考泣禱于園遂得瓜學海湧文瀾選中

里人稱爲孝瓜徐見海鹽縣續圖經瓜萬應丁未進士

春官試暫屈龐士元縱陽稱善治知安慶桐城縣棘

關秋月高得士盡大器偉哉周蓼洲沆瀣本同氣

公壬子分校所得士也一日忽三遷超擢誠不次銅符領濟南蓮

教猖狂肆隻手掃蕞夷下盡干戈淚偶因烏鳥情暫息
林泉轡是時朝無人明詔起公位大任託封疆憂勞爲
王事小醜動甲兵萊陽如卵累公也慷慨行民生煩撫
字七月困重圍援兵尙不至飛礮逐風來一死心無二
呼嗟明祚衰公孤咸畏避連天鉦鼓聲不醒癡人睡惟
公奮忠心出師志不遂我讀紀事書四座英風恣

寄嘉興吳漱六表兄 逢庚

久別鍾期罷無琴停雲落月悵知音綠波渺渺三年恨
紅豆離離百里心愁緒暗隨春草發交情直過大江深

綠蕉館詩鈔 卷一

三

鴛鴦定笑尋詩客不見湖船酒再斟

拔壩

天下無不平不平有此水相去無數武高下竟如此突
然一舟來欲行無奈止植木盤修綆朝夕鬧如市上流
不卽上幾度遲如蟻下流忽然下其行疾於矢上難而
下易此言良有以拔壩類爲人願持告君子

臨平

藕花過後十分秋八月臨平景色幽茅舍煙隨黃葉散
好山風帶白雲浮家僮沽酒催攜榼關吏看書任放舟
回首夕陽遮小市吟詩一路到杭州

蘇小墓

秋風吹冷夢花汀聞說佳人此安靈學舞樓臺春已去
同心松柏句猶馨居然豔骨憐西子未必芳魂伴小青
記得鴛鴦湖畔立蕭蕭坏土倩誰銘 武林舊志云蘇小墓實在嘉興

放鶴亭

放鶴人去六百年放鶴亭子立蒼煙梅花千樹繞亭種
誰與處此林逋仙我聞林逋高隱士梅爲妻兮鶴爲子
天壤塵埃不可居結廬乃在孤山裏孤山本不伍衆山
特然一峰不可攀芒鞋踏破探幽景不知此路何迴環
秀削千竿森美竹暗圍萬樹雄古木竹木縱橫別一天

綠蕉館詩鈔 卷一

四

有亭矗立山之麓忽發狂言氣無前山鳴谷應聲冷然
一聲高喚一聲禽恍疑逋仙魂魄來拍肩不見逋仙亭
中步但見逋仙亭畔墓鶴飛鶴舞何處看一抹斜陽澹
紅樹

岳鄂王墓

一代無雙將千秋不死心冤憑三字就功已十年深遺
恨黃龍府孤忠翠柏陰騎驢湖上者幾度淚沾襟

送吳昔巢孝廉 鳳前入都

綠波碧草映離亭一曲驪歌客又聽故國梅花心共素
他鄉柳色眼垂青名因來逼身難住人到臨行語易停

可記金蘭當日友依然案雪與囊螢

壬辰十一月二十七日送曾祖姑丈任秋涓太夫

子靈樞出城感賦

黑雲密雪壓城樓此去詩魂何處投夜火引人天地暗
寒風吹淚死生愁八旬獲歿真無憾三世蒙恩尚未酬
今日送公公不覺斷腸境界是西州

和張椒園茂才

鴻鑑

詠雪原韻

不須江上放扁舟指點空山樹影稠翠竹黃茅都壓倒
只看松柏不低頭

落葉

綠蕉館詩鈔

卷一

五

徹夜西風吼遠林空山大半減清陰鴉飛影露雲霄迴
馬走人驚歲月深無夢不隨流水去有情畱得夕陽沈
明年惹鬱仍依舊休爲飄零動怨心

過石公居贈張雲槎道人

東風吹我到蓬瀛未洗塵心愧此行半榻茶煙醒鶴夢
一簾梅影度琴聲壺中日月春常在筆底江山勢不平
丹鼎幾還君莫問錦囊佳句足長生

道人工詩畫

題雲槎詩集

音節天然卻好難竟將仙筆奪騷壇十分火候詩才熟
卽是鑪中九轉丹

春夜與張梅閣外曾叔祖談西湖名勝率爾賦此

西湖之勝甲天下山影參差潭影瀉詩中有畫畫中詩
白蘇昔日眞儒雅我曾早歲慕餘杭搜羅佳景入篇章
無奈頻年困株守欲遊不遊神暗傷前年舟發西泠道
六橋八月秋風早戀他山水惜匆匆轉爲功名悲草草
去年七月放扁舟一片私心續舊游赤日當天張火織
客窗高臥徒煩憂今年坐守仍如舊說到前遊悵紅豆
青瓊有恨是傳家白雲無心不出岫春風春雨一鐙青
撫掌高譚傾耳聽如此風光徒想像那無嗤笑破山靈
吁嗟乎人生未得佩金紫不如放懷看山水斑管一枝

綠蕉館詩鈔

卷一

六

萬卷書丈夫安能鬱鬱久居此

詠古

臺城

千萬青錢贖帝回金甌家國易成灰自招寇至終何憾
始信君賢不是才菩薩負情無蜜賜將軍報德有兵來
未清塞北江南失空使飄零庾信哀

靈武

蜀道蒙塵歎上皇居然太子振朝綱一從父老尊靈武
莫怪干戈起范陽付託青宮安社稷飄零白髮冒風霜
他年表請來歸日南內淒然夜月涼

陳橋

焚香夜祝聖人生五代紛紛亂甲兵卽位依然都點檢
比肩還識舊公卿兆傳大定騎驢客氣鬱眞王夾馬營
十七年中君道立那堪燭影不分明

臨安

無端還我舊山河南渡倉皇事奈何雪窖冰天空寂寞
六橋三竺自笙歌金牌召將猶嫌晚鐵案忘親總不磨
回首昔時生長地汴京宮闕黍禾多

姑蘇臺

鶴市蒼涼虎氣消高臺當日記凌霄風寒寶劍忠魂泣

綠蕉館詩鈔

卷一

七

春鎖珠簾粉黛嬌
李恨忘慙祖父梧宮秋冷話漁樵
至今坏土延陵在萬古清名總不祧

黃金臺

六王誰是渴求賢匹馬秋風客過燕爲國艱難思得士
用才成敗總由天幾多駿骨空山朽尚有貂裘旅邸穿
費盡黃金功不就蕭蕭易水捲寒煙

戲馬臺

策馬高臺挽角弓漢家天子讓英雄八千子弟兵戈裏
百二河山掌握中盛氣終非王者度傷心祇與美人同
可憐失計鴻門會愁絕呼騅感不窮

歌風臺

富貴居然歸故鄉大風歌罷氣飛揚容顏依舊如亭長
度量從知勝霸王當日父兄猶可記半生酒色亦何妨
獨憐海內威加徧不制閨中呂雉強

望思臺

歸來何處淚空零思子宮開夢乍醒未必仙人無骨肉
可憐巫蠱亂朝廷泉鳩此日冤難辨博望當時教不經
記得門題堯母日莫知高廟有神靈

銅雀臺

鄴水秋深木葉飄阿瞞餘氣未全消文章才子高三國

綠蕉館詩鈔

卷一

八

粉黛佳人想二喬對酒當歌懷往日分香賣履奈良宵
西陵疑塚紛無數何處英雄魂可招

朝陽臺

絕無神女下高唐借得微辭諷楚襄終古遨遊迷幻夢
至今雲雨攪愁腸賦成宋玉原虛假人到巫山總渺茫
卻怪千秋傳誦者誤將綺語費商量

乙未闌後述懷

咫尺瑤臺欲到遲愛花莫問看花期慣將春夢迷寒土
敢以冬烘懟主司客裏韶光容易減愁中病骨更難支
可憐楊柳青青樹偏是東風不肯吹

燈火青熒鴨篆殘無窮心事上眉端每因貧賤科名急
其奈文章遇合難桐賞爨餘空憶蔡門敲月下未逢韓
高山流水依然在不知知音莫再彈

二月初旬接家書知吳澈六表兄過舍匆匆返棹
不及一晤子悵然久之即成四律郵寄

頻年蹤跡悵登樓茅舍空勞訪戴舟東道未曾邀一飯
南湖無計慰三秋梨花月淡懷清影楊柳煙橫鎖暮愁
爲問故園雙白板客來午字可題不

舊時竹馬共翩翩駒隙驚心十四年余年十二始至舅氏家問寫
文章呈白髮謂晴川舅氏頻加賞識許青錢春風淚灑羊曇

綠蕉館詩鈔卷一

九

鴛鴦時舅氏已歿秋夢慚遲祖逖鞭萬斛牢愁閒說與知君讀
罷定悽然

蠹魚堆裏歲消磨莫問青瑣事若何嬾極吟將詩句少
病深識得藥名多今年到館後子無日不病丁年馬齒增羈客午夜
雞聲喚睡魔小子不知人意緒綠蕉窗下讀狂歌

不飲休論酒價添倦游頻悵旅懷淹難將遠思消雲樹
怕說閒愁到米鹽檢綫也曾憐手跡擲釵一任鎖眉尖
客中淚與家中事訴向知交想不嫌

五月十二日選拔榜發口占二首

暫向鴛湖借燕巢風檐日日費推敲頻憐遇合遲攀桂

小試才華筮拔茅泮水有人聯舊契子與朱君鏡香同邑同庚同入泮同拔得選鵬程幾輩訂新交年來自歎文章賤博得微名爲
解嘲

倚閭慈母望迢迢忽遞紅箋鼓短橈斷杼苦心酬往日
懸弧喜氣助今朝阿冬方生梅花繞室寒無奈柳眼經春色
更饒一十二年逢盛典菲材受此恰難消

余得選拔後親友賀者詞涉過譽因感往事復得
四章

廿載回頭轉瞬如弱齡憔悴守蓬廬覆巢縱使猶完卵
涸轍何能更有魚白髮重聞霜雪老青燈一點雨風徐

綠蕉館詩鈔卷一

十

慈親不忍停鍼繡寒透深宵伴讀書高三歲叔父相繼而歿時曾祖母已八旬祖母亦六十矣

三遷豈爲卜芳鄰寓屋二次棲鳥無知歷苦辛茅屋秋深牀
漏雨蘆簾日煖釜生塵一經遺子難傳業四壁爲家尙
諱貧自采泮宮芹藻後飄蓬從此但依人

歲歲登樓學仲宣雪泥鴻爪恨依然梅花影瘦描清照
楊柳情深冒碧煙景色都增羈客恨遭逢難得主人賢
謂宣江州愧無奇字堪資問枉結驅車載酒緣

誰收檣櫓向山中振拔單寒感至公四度秋風悲落葉
辛卯壬辰甲午乙未秋闈均報罷一經青眼識焦桐堂前玉鏡形無蓄

海上瑤琴曲不工只恐鵬程開九萬未曾修得羽毛豐

八月十九日偕鮑春渠孝廉清植登鴛湖濱酒樓

望煙雨樓空濛如畫即景口占

萬疊晴煙潑眼來秋容如畫上樓臺人於楊柳陰中坐
樽向鴛鴦湖畔開望遠難窮波影闊談深不覺夕陽催
頻年蹤跡風塵裏幾見家鄉共舉杯

自鴛湖至平林

殘夢隨流度漢塘秋潮急處櫓聲長平林小市煙中見
一幅青帘挂夕陽

述舊德詩爲乍浦楊鶴浦先生作

綠蕉館詩鈔

卷一

十一

春風動林壑草木俱蕃滋孤根將欲斷又復噓植之受
恩不能報撫心爲此詞先人館九峰楊公訂相知苦憶
丙子歲六月疾不治炊煙斷甌釜塵埃冚門楣重闌髮
已白淚下如綆縻我時甫孩提不能知其悲我母頻告
我長者有恩施朱提贈以百求親代所司曾祖姑文任秋浦先生
更藉大阮賢盡力相扶持家春雨叔取子不取母權爲讀書
資我生愧不殖少小徒嬌癡五歲始上學七歲強知詩
哀哀蓼莪篇不能終其辭丸熊與畫荻教賴母之慈十
三初學文十六恩受師余於乙丑歲受知於江右蒼蠅少司空李春湖師入泮
羞附驥那及謝庭芝秋風亦以動桂林折其枝余與先生孫友

鹿同人府岸而友鹿已於辛卯舉孝廉自今接踵起況復多白眉棘闈我
四戰敗北力不支命窮終何益學淺固其宜使車山左
來煦姬仁風吹謂宗伯史松軒師虛名良不貴實德感無涯回
首二十載煢煢子立時苟無援以手終歎寒與飢身家
且不保安問讀書爲微名念所自助我云爲誰湛湛楊
公恩千古盛於斯公今不可作感公涕漣漣

陸古山舅氏歸自蜀中率投三律

回首家園四十年艱難行路歷青天鬱林裝裏惟餘石
彭澤歸來且問田子弟追隨留舊德親朋聚散悟前緣
笑予不帶懷中刺來見荊州手一篇

綠蕉館詩鈔

卷一

十二

敝廬蕭瑟我懷慙斫地狂歌酒半酣少日未曾瞻謝傅
無才那敢比羊曇練裙冬月誠何惜紉扇秋風竟不堪
自遇使星青眼識商量索米駕征驂
束髮曾知學苦吟高山流水愧彈琴斷機寒課三更月
乞墅春分一片心壯志未酬遼海闊舊恩猶感大江深
詩翁到後梅花放可許推敲伴樹陰

曝書亭歌贈朱小園

柏

曝書亭中春風香曝書亭外春草長詩人一去二百載
千樹梅花空夕陽我作斯遊頻念舊此間曾住文昌宿
兩浙東西錦繡摹一坵南北琅玕瘦玉軸收藏八萬書

閒吟旁及譜蟲魚棹歌遺興潞河道琴趣傳心靜志居
千年上下恣探討先生方以山林老一朝

丹鳳詔書來聲名直走長安道長安道中行客多舊聞
才子手編摩經獻漢廷朝奪席酒酣梁苑夜聞歌解說

鏗鏗世無兩

聖恩隆重親褒賞捧到

絲綸受亦驚

御煙繚繞讀書幌歸來小住長水鄉敞廬四壁環

天章後生瞻仰心祇肅經神詩史遭際昌卽今綠野芳

華歇居人猶說神仙窟伴我閒吟竹裏風照人清淚松

綠蕉館詩鈔

卷一

三

問月一個詩孫出款賓孤亭豔說舊時春代傳鴻博科

名重太史舉康熙己未鴻博太史世負才名不救貧使

星既往令尹去嘉慶丙辰阮雲臺相國重脩道光丙戌

葛練裙單誰與助留得羣仙題柱詞模糊讀向花開處

花開花落不知年蓬萊何處訪詩仙謝氏蘭生春帶雨

鄭庭草長碧如煙我來覽古今三度班門敢賦巴人句

回首當年著作才空庭搖曳相思樹

去冬與徐楸川

履安

趙秋圃

廷梓

有春遊之約至

今未果清明又屆寒雨連朝不知何日能踐宿

約賦此以問

學得羊求共結鄰頻年作客負相親落花天氣逢寒食

如水光陰又暮春舊約未酬芳草地知心同是泛萍身

東風倘解離人意快捲長空雨似塵

丁酉上巳後四日同徐雲鶴

貴元

趙秋圃李存希

廷滋

純一觀小飲

落花如雨撲疏簾道院清幽酒興添好友六人聯性地

客愁一斛洗眉尖鴻泥秋夜彈明燭

賦江淹於趙氏燕語春光上畫檐惆悵蒼溪波影綠黯然南浦

暮春心緒費安排柳絮霏煙草茁芽漂泊誰憐游子怨

綠蕉館詩鈔

卷一

四

笑談暫慰故人懷匆匆花事娛嘉節泛泛萍踪誤我儕

難得家園成小聚片雲飛去卽天涯

題顧墨卿

廷翰

遺照

靈根認取讀書臺蚤歲翩翩識俊才

向子雲亭畔立問奇今少一人來

仙院春風暖茗時綠蕉窗靜伴談詩而今一掬招魂淚

灑向重泉竟不知

畫裏分明見故人幾回凝望幾傷神文章萬卷歸何處

且待庭前玉樹春

題玉井道人趙凌洲

遵詩稿

我讀方壺編從知羽流皆詩仙

鹽邑羽士能詩者不少彙刻有方壺合編

讀凌洲集飄飄佳句搜雲笈武源靈萃東海東詩人藪

澤爭天工前惟曉窗董太史朱

笠亭陸和仲繼起追古風

百年以降人不少窮搜冥討精神擾往往殘編散佚多

米鹽煩碎心難了卻從方外得真傳道人健筆凌蒼煙

君家子昂重出世書妙畫妙詩尤專示我一卷我讀之

如花如月如清漪忽如鴻雁唳寒雪忽如鳳凰鳴高枝

閉關鍊丹恥不學爐中九轉詩才熟生珠之水生玉山

無窮收入便便腹前年仙院借幽棲推敲常待夕陽低

負手間行芳草逕拍肩時踏落花蹊今年重過神仙窟

綠蕉館詩鈔

卷一

五

斗室焚香照清樾揮塵談時向未終無端詩興催花發

明年我又走長安千里風霜行路難回首蔚藍天

觀中奇名

一角伊人只在青雲端君與我索下里詞我細讀君黃

絹詩瑤琴一曲仙鶴和塵埃中人不易知

題凌洲秦溪春泛圖

觀音山上東風急輕攜蘭漿秦溪入波光搖綠浸鬚眉

九十九峰作人立憶昔我年十二三扁舟春放城之南

十年不到空惆悵夢魂飛渡桃花潭道人知我欲遊意

手持畫本來相示百丈晴絲盪蔚藍一灣淺水流濃翠

石碑突兀樹河濱不是源中學避秦海上神山渺難到

祖龍遺跡可憐春秦溪之水發秦駐水光山色紛無數

中有人兮鼓棹來飄飄鶴筆仙人度一曲瑤琴撫夕陽

居然天上是家鄉彷彿蘇隄環綠柳依稀蕭寺露紅牆

綠柳紅牆迴兩岸衣香人影飛帆亂湖上煙痕撲面來

賣花聲裏幽禽喚笑我風塵萬斛愁仲宣歲歲但登樓

寄奴城外春如海無分邀朋續舊遊舊遊恍恍三生夢

及見斯圖情更重十里啼鶯一葉舟蓬萊何處長風送

鵲湖曉發

纔向西湖盪夕陽

余方歸自西泠

又從柘水泝橫塘離愁付與

孤舟夢好伴春流到故鄉

綠蕉館詩鈔

卷一

六

匆匆春事過清明鸚鵡湖邊趁早行一帶紅樓人未起

東風吹到賣花聲

長天雲影鏡新磨別賦初成感綠波客思不知何處遠

弄珠樓畔曉陰多

黃浦乘風

扁舟三泖凌曉煙羈客抱夢猶高眠不聞船艣欸乃聲

但聞雄風挾浪來濺濺忽然驚起披衣坐推窗又見銅

鉦懸帆鳴如鼓行不止金光萬道眼底穿人言黃浦險

難於上青天柘湖以北虹梁斷浩浩頃茫無邊商人

重利輕生命沙棠時作蟻磨旋我來正值春水鮮晴波

盪漾蔚藍前封姨不忍欺寒士鴻毛遇順風力堅倏忽
赴之不得泊勢迅無殊箭離弦人生快事能有幾來船
何以猶遷延發高唱扣短舷爲告舟人其慎旃長風如
此不可恃安得歸來風又旋

立夏日俞南訛茂才^丙招飲卽席賦贈

少年鹵莽過江行來向牙琴訪舊盟近市未妨名士氣
異鄉尤重故人情數椽碧海雲霞接幾載黃壚感慨生
君爲余外舅王銘庵先生高弟時感念不置愧我塵勞難盡洗高山流水負
琴聲

閒按舊事撥殘缸重唱師門白雪香少日追隨懷馬帳

綠蕉館詩鈔卷一 七

眞才淪落歎雞窗外舅銘庵先生博學工文及門鼎鼎
詩云榮題雁塔三名士苦守雞窗一秀才之句不勝感慨云人於往後心猶憶話到
長時酒不降客思萬重無處洗未歸先寄木蘭艤

贈吳雲嶠茂才 武曾

客思都隨柳綫牽江南況是落花天相逢舊雨剛三月
不見清風已六年吳質有書勞我憶陳蕃無榻爲君懸
何當載酒歸來日高士湖頭泛釣船
萍迹江湖歲月長儘收佳景入奚囊艱難家計同寒士
鄭重交情爲故鄉詩學已經三洗髓離懷暫慰九迴腸
塵飛萬斛憐才少獨無瑤琴坐夕陽

余至滬江匝月適金山金月舫^琛青浦顧伊璠^璠
兩同年俱至終日盤桓頗獲異鄉之樂余歸有
日不能無詩

留別月舫

旅館無花鎖寂寥忽聞書畫載輕橈香濃古寺尋三益
月舫寓水仙宮手搗殘碑見六朝月舫於金石書畫無一不精
水仙宮作客韶光容易減別君情緒最難消明年重訂
尋詩處二月春風廿四橋

留別伊璠

萬頃風波不可行求人心重一身輕家難今夜夢中到
綠蕉館詩鈔卷一 六

客有數星江上明寒士生涯同落魄異鄉知己敢忘情
從茲別恨縈三泖待覓魚書慰舊盟

題當湖朱璧如鷗舫尋盟遺照

鸚鵡湖流浸夕陽扁舟隨意漲橫塘盟心自是人間少
要向煙波寄別腸

吳淞水煖片帆開小試當時宰相才三月春風花草活

知君幾度折肱來君世榮號黃
官設寓松江

濟人心力幾消磨忍唱華年薤露歌試向懷清臺畔望

雨痕不及淚痕多君室仰孺人
守節詩旌

玉樹雙枝茁謝庭秋燈一點抱遺經結嗣少江又
江似與余善披圖